

Arbejdsministeriap nalunaarutaa nr. 401 24. juni 1986-imeersoq

Sulinerup nalaani ajutoornerit nalunaarutigineqartarnerat pillugu Kalaallit Nunaannut nalunaarut

Kalaallit Nunaanni sullivimmi avatangiisit pillugit inatsimmi § 58 aamma § 67 naapertorlugit aalajangersarneqarput:

§ 1. Sulinerup ajutoornerit toqunartuninnerillu piaarnerpaamik taamaattorli kingusinnerpaamik ullut qulingiluannagortinnagit sulisitsisup suliffiutimini taamatut pisimasut sullivinnik nakkutilliisoqarfimmut nalunaarutigissavai. Nalunaarutiginninnissaq pisassaaq ajunaarneq toqunartuninnerluunniit ullup ajunaarfiusup ullormik ataatsimik imaluunniit sivirusunerusumik sulisinnaannginnermik kinguneqaraanngat.

Imm. 2. Suliffimmi sulisitsisoqarfiunngitsuni teknik-kikkut atortorissaarutit piginnitup (atuisup) sulinerup ajutoornerit toqunartuninnerillu atortorissaarutit atornerini pisut aamma nalunaarutigissavai.

Imm. 3. Imm. 1 aamma 2 malillugit nalunaaruteqarnermi immersugassat aalajangersimasut sullivinnik nakkutilliisoqarfimmi pineqarsinnaasut atorneqassapput. Nalunaarutiginninnermi immersugassat sullivinnik nakkutilliisoqarfimmut nassiunneqartassapput. Nalunaaruteqarluni immersugassap nuutinnera sullivimmi isumannaallisaanermik aqqis-suussiviusumut imaluunniit taamaattoqanngippat ajoqusersimasumut tunniunneqassaaq.

Imm. 4. Ajutoornerit, toqunartuninnerit inuutissarsiornermilu nappaataalersimasut toqumik imaluunniit ajoqutissarsinermik anertuumik kinguneqarsimasut aammattaaq sullivinnik nakkutilliisoqarfimmut piaartumik nalunaarutigineqartassapput.

§ 2. Nakorsat, kigutilerisullu pisussaapput sullivinnik nakkutilliisoqarfimmut nalunaaruteqarnissamik inuutissarsiornermi nappaatinik ajoqusernerusimasunilluunniit assigisaannik tunngaveqartumik malugisaqarnermikkut imaluunniit pasitsaassaqarnermikkut.

Imm. 2. Nalunaaruteqarnermi immersugasaaq aalajangersimasooq sullivinnik nakkutilliisoqarfimmi pineqarsinnaasooq atorneqassaaq.

§ 3. §§ 1 aamma 2-mik unioqquutitsisoq akiliisinneqassaaq.

§ 4. Piginneqatigiiffiit (aktie-, anparts-, aamma andelsselskaber) imaluunniit allat taamatut ittut unioqquutitsippata taava taakku akiliissannagortinneqarsinnaapput. Namminer-sornerullutik oqartussat, kommune ataaseq kommunelluunniit peqatigiillutik unioqquutitsimatillugit taamatuttaaq taanna atuuppoq.

§ 5. Nalunaarut atulerpoq 1. juli 1986.

Arbejdsministeriet, den 24. juni 1986

HENNING DYREMOSE

/ Henrik Grove

O:\Arbejdsmiljøuddannelsen\Bekendtgørelser\546799\Dokumenter\546799.fm 01-03-06 09:57 k03 SJ